

Urden da scola *da la vischnanca / dal consorzi da scola (num)*

sa basond sin l'art. 20 da la lescha davart las scolas popularas dal chantun Grischun (lescha da scola) dals 21 da mars 2012

relaschè *da la vischnanca / dal consorzi da scola (num)* il(s) ...

I. DISPOSIZIUNS GENERALAS

Art. 1 Stgalims da scola

¹ *La vischnanca / Il consorzi da scola* maina ils suandants stgalims da scola:

- a) stgalim da scolina
- b) stgalim primar
- c) stgalim secundar I

art. 6–9 lescha da scola
art. 4–5 ordinaziun da scola

² *La frequentaziun da la scolina è obligatorica / po vegnir declerada obligatorica* per uffants da lingua estra.

art. 7 al. 2 lescha da scola

Sche quest alinea vegn formulà en moda facultativa: fixar l'istanza cumpetenta (p.ex. cussegl da scola: sut il catalog da cumpetenzas art. 13 al. 2)

Art. 2 Obligaziun d'ir a scola, lieu da scola, frequentaziun gratuita

L'obligaziun d'ir a scola, il lieu da scola sco er la frequentaziun gratuita sa drizzan tenor il dretg chantunal.

art. 10–15 lescha da scola
art. 6–11 ordinaziun da scola

Art. 3 Uras da bloc

La vischnanca / Il consorzi da scola garantescha sin il stgalim da la scolina e sin il stgalim primar las uras da bloc prescrittas dal chantun.

art. 26 lescha da scola
art. 24 ordinaziun da scola

Art. 4 Structuras dal di

La vischnanca / Il consorzi da scola
porscha en cas da basegn structuras dal di
supplementaras.

art. 27 lescha da scola

Art. 5 Purschidas supplementaras

¹ En cas da basegn po *la vischnanca / il
consorzi da scola* stgaffir ulteriuras
purschidas sco lavur sociala da scola u
purschidas da timeout.

art. 40 lescha da scola
art. 37 ordinaziun da scola

² Sche necessari installeschan las
instituziuns responsablas per la scola
purschidas spezialas per scolaras e scolars
che han talents extraordinaris

art. 51 ordinaziun da scola

Art. 6 Mesiras da la pedagogia speziala en il sectur simpel

Per ordinar e per realisar mesiras da la
pedagogia speziala en il sectur simpel è
*responsabla la vischnanca / è responsabel il
consorzi da scola.*

art. 43–50 lescha da scola
art. 44–51 ordinaziun da scola

Art. 7 Scola da talent, classas da talent

*La vischnanca / Il consorzi da scola maina /
po manar* ina scola da talent resp. classas
da talent per scolaras e scolars cun talents
spezials en spezial en il sectur dal sport.

art. 38 lescha da scola
art. 34 ordinaziun da scola

directivas DECA concernent las
scolas da talent e las classas
da talent dals 21-12-2012

Sche quest alinea vegn formulà
en moda facultativa: fixar
l'istanza cumpetenta (p.ex.
cussegl da scola: sut il catalog
da cumpetenzas art. 13 al. 2).

Art. 8 Giudicament, promoziun e midada da stgalim

Il giudicament sco er la promoziun e la midada da stgalim da las scolaras e dals scolars vegnan fatgs tenor il dretg chantunal.

art. 41–42 lescha da scola
art. 98 lit. e lescha da scola
art. 38–43 ordinaziun da scola

II. PERSUNAS D'ISTRUCZIUN

Art. 9 Relaziun d'engaschament

¹ Las personas d'instrucziun èn emploiadas *da la vischnanca / dal consorzi da scola*.

art. 56–66 lescha da scola
art. 55–61 ordinaziun da scola

² La relaziun d'engaschament da las personas d'instrucziun vegn fundada, observond il dretg chantunal, cun in contract da dretg public.

En spezial:
art. 60 ordinaziun da scola
art. 66 lescha da scola ed art.
61 ordinaziun da scola

III. DIRECZIUN DA LA SCOLA

Art. 10 Direcziun da la scola

La vischnanca / Il consorzi da scola nominescha / po nominar ina direcziun da la scola.

art. 21 lescha da scola
art. 15–17 ordinaziun da scola

Sche quest alinea vegn formulà en moda facultativa: fixar l'istanza cumpetenta (p.ex. cussegl da scola: sut il catalog da cumpetenzas art. 13 al. 2).

IV. CUSSEGL DA SCOLA

Art. 11 Organisaziun

¹ Il cussegl da scola consista almain da trais commembras u commembers. El vegn manà da la presidenta u dal president dal cussegl da scola. Dal rest sa constituescha el sez.

art. 92 lescha da scola

² Il cussegl da scola vegn convocà da la presidenta u dal president dal cussegl da scola uschè savens sco che las fatschentas pretendan quai ubain sch'ina commembra u sch'in commember pretenda quai.

³ A las sesidas dal cussegl da scola pon – sche necessari – vegnir envidadas ulteriuras personas cun vusch consultativa.

Sche necessari pon vegnir consultadas ulteriuras personas: p.ex personas d'instrucziun, direcziun da la scola, commembers da las autoritads e.u.v.

⁴ Davart las tractativas stoi vegnir fatg in protocol.

Art. 12 Abilitad da decider

Il cussegl da scola è abel da decider, sche dapli che la mesadad da las commembras e dals commembers è preschenta.

Art. 13 Obligaziuns e cumpetenzas

¹ Il cussegl da scola maina e surveglia la scola ed exequescha la legislaziun chantunala e communal da scola. El ademplescha tut las incumbensas da la scola che n'èn betg delegadas ad in'autra autoritad u ad in'autra istanza tras relaschs chantunals u communal.

art. 92 al. 2 lescha da scola

²El ha cunzunt l'incumbensa da:

1. decider davart l'anticipaziun respectivamain davart la suspensiun da l'entrada en il stgalim da scolina ed en il stgalim primar;

art. 12 al. 3 lescha da scola
art. 7 ed 8 ordinaziun da scola

2. decider davart la cuntinuaziun da l'onni da scola en ina classa inferiura, sch'in uffant è surdumandà;

art. 41 ordinaziun da scola

3. decider davart il sursigilir ina classa;

art. 42 ordinaziun da scola

4. decider davart purschidas supplementaras per uffants da lingua estra;

art. 39 ed 81 lescha da scola
art. 35 ordinaziun da scola

5. decider davart l'ordinaziun e davart l'aboliziun da mesiras da la pedagogia speziala en il sector simpel;

art. 48 lescha da scola

6. decider davart l'exclusiun da la scola d'in uffant durant il temp da scola obligatoric;	art. 55 al. 2 lescha da scola
7. decider davart la relaschada anticipada d'in uffant il pli baud suenter 8 onns da scola obligatorics;	art. 13 al. 2 lescha da scola art. 10 al. 1 ordinaziun da scola
8. decider davart la frequentaziun d'ulteriurs onns da scola suenter il temp da scola obligatoric;	art. 9 al. 1 ordinaziun da scola
9. decider davart l'exclusiun da la scola durant il temp da scola postobligatoric;	art. 9 al. 2 ordinaziun da scola
10. decider davart la recepziun d'in uffant d'ina outra instituziun responsabla per la scola sco er davart ils daners da scola;	art. 6 al. 1 ordinaziun da scola
11. fixar las vacanzas – cun excepziun da las vacanzas d'atun e da Nadal – en enclegientscha ed en coordinaziun cun ils cussegls da scola da la regiun sco er declarar occurrenzas da scola spezialas sco obligatoricas ils suentermezdis libers u las sondas;	art. 24 lescha da scola art. 22 ordinaziun da scola DD DECA nr. 699 dals 3 da december 2012 concernent la determinaziun dal cumenzament da l'onn da scola sco er da las vacanzas d'atun e da Nadal
12. relaschar in reglament davart absenzas e congedis;	art. 28 lescha da scola art. 25 ordinaziun da scola
13. relaschar in urden disciplinar;	art. 54 e 55 al. 1 lescha da scola
14. engaschar e desdir las persunas d'instrucziun e la direcziun da la scola;	art. 56 lescha da scola
15. relaschar in carnet d'obligaziuns per la direcziun da la scola;	art. 15 lit. a ordinaziun da scola
16. relaschar in reglament davart la furnaziun supplementara e davart il congedi da furnaziun supplementara da las persunas d'instrucziun e da la direcziun da la scola;	art. 63–64 lescha da scola
17. sancziunar cuntravenziuns cunter l'art. 68 da la lescha chantunala da scola;	art. 68 e 96 lescha da scola
18. eleger la media u il medi da scola e la dentista u il dentist da scola.	art. 51 lescha da scola

Art. 14 Presidi

¹ La presidenta resp. il president dal cussegl da scola represchenta il cussegl da scola vers anora, prepara las fatschentas dal cussegl da scola e procura per l'execuziun dals conclus prendids.

² En cas urgents che pertutgan il champ da cumpetenzas dal cussegl da scola prenda ella resp. el las mesiras necessarias. Tenor pussaivladad decida il cussegl da scola definitivamain en chausa a chaschun da sia proxima sesida.

V. GIURISDICZIUN

Art. 15 Via giudiziala

¹ Cunter disposiziuns e cunter decisiuns da las persunas d'instrucziun, da la direcziun da la scola e da la presidenta resp. dal president dal cussegl da scola poi vegnir fatg recurs tar il cussegl da scola entaifer 10 dis.

art. 95 lescha da scola

² Cunter disposiziuns e cunter decisiuns dal cussegl da scola che pertutgan fatgs da scola poi vegnir fatg recurs tar il departament d'educaziun, cultura e protecziun da l'ambient entaifer 10 dis, nun che la lescha chantunala da scola disponia insatge auter.

³ Cunter decisiuns d'assegnaziun negativas e cunter disposiziuns che concernan la nunpromozion respectivamain la promoziun poi vegnir fatg recurs tar l'uffizi per la scola populara ed il sport entaifer 10 dis. L'uffizi po prevar ina procedura speziala per giuditgar ils recurs.

VI. DISPOSIZIUN FINALA

Art. 16 Entrada en vigur

Quest urden da scola entra en vigur suenter l'approvaziun dal departament d'educaziun, cultura e protecziun da l'ambient per *il(s)* ... e remplazza l'urden da scola vertent *dal(s)*

art. 14 ordinaziun da scola

Recumandaziun: metter en vigur per il 1. d'avust 2013.